



Broj: 03-50-1-61-7-1/10
Sarajevo, 14. 04. 2010.

IZVJEŠTAJ

**o radu Nezavisnog odbora kao nezavisnog tijela policijske strukture Bosne
i Hercegovine za period septembar – decembar 2009. godine**

April 2010. godine

Na osnovu člana 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine i člana 9. tačka e) Poslovnika o radu Nezavisnog odbora kao nezavisnog tijela policijske strukture Bosne i Hercegovine, Nezavisni odbor je na 7. sjednici, održanoj 14. 04. 2010. godine usvojio i Parlamentarnoj skupštini Bosne i Hercegovine podnosi sljedeći

I Z V J E Š T A J

o radu Nezavisnog odbora kao nezavisnog tijela policijske strukture Bosne i Hercegovine

za period septembar – decembar 2009. godine

I. UVODNE NAPOMENE

Nezavisni odbor osnovan je Zakonom o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08), kao nezavisno tijelo Parlamentarne skupštine Bosne i Hercegovine.

II. SASTAV ODBORA

Nezavisni odbor ima devet članova koji se imenuju na mandat od četiri godine, a biraju se između predstavnika pravosudnih institucija, penzionisanih policijskih službenika, penzionisanih i aktivnih državnih službenika, te istaknutnih stručnjaka iz drugih oblasti javnog života, prava, kriminalističkih nauka i policijskih poslova

Parlamentarna skupština Bosne i Hercegovine je, na 58. sjednici Predstavničkog doma, održanoj 22.07.2009. godine, i na 33. sjednici Doma naroda, održanoj 23.07.2009. godine, donijela **Odluku o imenovanju članova Nezavisnog odbora kao nezavisnog tijela policijske strukture Bosne i Hercegovine** („Službeni glasnik BiH“, broj 59/09).

U Nezavisni odbor imenovani su:

- Žiko Krunić – predsjednik Nezavisnog odbora;
- Bakir Dautbašić– prvi zamjenik predsjednika Nezavisnog odbora;
- Mato Jozić– drugi zamjenik predsjednika Nezavisnog odbora;
- Enes Obralića– član Nezavisnog odbora;
- Stanko Nuić– član Nezavisnog odbora;
- Dragan Savić– član Nezavisnog odbora;
- Zijad Kadić– član Nezavisnog odbora;
- Viktor Dadić, član Nezavisnog odbora i
- Ljubomir Kuravica, član Nezavisnog odbora.

III. NADLEŽNOSTI ODBORA

Nezavisni odbor je, u skladu sa Zakonom o nezavisnim i nadzornim tijelima policijske strukture BiH i Poslovníkom o radu Nezavisnog odbora, nadležan za provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijave kandidata, vršenje odabira i dostavljanja ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH, predlaganje smjenjivanja rukovodilaca i zamjenika rukovodilaca policijskih tijela BiH, ako su počinili krivično djelo, osim za krivična djela iz oblasti sigurnosti saobraćaja, ili ako počine tešku povredu službene dužnosti, kao i u slučaju ako utvrdi da ne postižu odgovarajuće rezultate, razmatranje pritužbi na rad rukovodilaca i zamjenika rukovodilaca policijskih tijela BiH i obavještanje o tome ministra sigurnosti BiH i Vijeća ministara BiH, iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH, obradu podataka i vođenje evidencije u skladu sa zakonom i drugim propisima i ostale poslove propisane zakonom, Poslovníkom o radu i drugim propisima.

IV. IZVRŠENJE ZADATAKA IZ NADLEŽNOSTI ODBORA

U periodu od 11.09.2009. godine do 31.12.2009. godine, Nezavisni odbor održao je četiri sjednice.

Prva sjednica održana je 11. 9. 2009. godine i na toj sjednici primljena je k znanju Odluka o imenovanju članova Nezavisnog odbora kao nezavisnog tijela policijske strukture Bosne i Hercegovine. Prije održavanja prve sjednice Nezavisnog odbora predsjednik Žiko Krunić se sastao sa predstavnicima Policijske misije Evropske unije u BiH i Uredom Visokog predstavnika u BiH. Potrebno je naglasiti da je za rad Nezavisnog odbora od samog početka vladalo veliko interesovanje i da su rad Nezavisnog odbora pored predstavnika OHR i EUPM, pratili i zaposleni u Odjelu za odnose s javnošću Parlamentarne skupštine BiH te predstavnici medija u BiH. Javnost se može upoznati sa radom Nezavisnog odbora i kroz akte koje je ovaj odbor usvajao i kroz zapisnike, jer su objavljeni na web stranici Parlamentarne skupštine BiH. Na ovaj način je osigurana transparentnost u radu Nezavisnog odbora.

Članovi Odbora su u skladu sa Zakonom o nezavisnim i nadzornim tijelima policijske strukture u BiH, razmatrali Prijedlog Poslovnika o radu Nezavisnog odbora, koji je usvojen konsenzusom svih članova. Parlamentarna skupština BiH je usvojila Poslovnik o radu Nezavisnog odbora kao nezavisnog tijela policijske strukture Bosne i Hercegovine na 63. sjednici Predstavničkog doma održanoj 04. 11. 2009. i na 38. sjednici Dom naroda održanoj 13. 11. 2009. koji je objavljen u „Službenom glasniku BiH“, broj: 93/09.

Od akata koje je usvojio Nezavisni odbor, potrebno je spomenuti Odluku o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine kao opći akt koji je potreban u izvršavanju aktivnosti iz nadležnosti Nezavisnog odbora i Odluku o raspisivanju javnog konkursa za direktore i zamjenike direktora policijskih tijela u BiH.

Članovi Nezavisnog odbora su nastajoli da kod odlučivanja o važnim pitanjima u svom radu uvijek postignu konsenzus, što su u ovom periodu i uspjeli ostvariti.

Nezavisni odbor je pored održane četiri sjednice, imao niz neformalnih sastanaka na kojima se dogovaralo o budućim aktivnostima Nezavisnog odbora, uslovima rada i drugim pitanjima.

Bitno je na kraju naglasiti da je Zajednička služba Parlamentarne skupštine BiH, koja je po Zakonu o nezavisnim i nadzornim tijelima policijske strukture u BiH zadužena da pruža svu administrativno-tehničku podršku u radu Nezavisnog odbora, osigurala potrebne uslove

za rad ovom odboru kroz angažovanje sekretara, ali i kroz materijalno tehničke uslove osiguravajući potreban prostor i druge potrebne uslove za nesmetan rad.

V. ZAVRŠNE NAPOMENE

Imajući u vidu da je Nezavisni odbor novoformirano tijelo Parlamentarne skupštine BiH, konstituirano Odlukom o imenovanju članova Nezavisnog odbora kao nezavisnog tijela policijske strukture Bosne i Hercegovine, članovi Nezavisnog odbora smatraju da je u izvještajnom periodu Nezavisni odbor uspješno odgovorio na sve postavljene zadatke, te predlaže Parlamentarnoj skupštini BiH da usvoji Izvještaj o radu Nezavisnog odbora kao nezavisnog tijela policijske strukture u BiH za period septembar – decembar 2009. godine.

**PREDSJEDNIK
NEZAVISNOG ODBORA
Žiko Krunić**